




N/r. Alca Puhar
30.03.2026

Bosnia and Herzegovina
Federation of Bosnia and Herzegovina
CANTON SARAJEVO
ASSEMBLY



Broj: 01-04-58637-83/25
Sarajevo, 25.03.2026. godine

**-MINISTARSTVO ZA NAUKU, VISOKO OBRAZOVANJE I MLADE KANTONA
SARAJEVO**

GU „STUDENSKI CENTAR“ SARAJEVO
Ul. Aleja Bosne Srebrene bb

PREDMET: Zastupničko pitanje, dostavlja se –

Zastupnik **Faruk Selmanović** je u okviru 28. radne sjednice Skupštine Kantona Sarajevo, dana 24.03.2026. godine, u skladu sa čl. 211. i 214. Poslovnika Skupštine Kantona Sarajevo, postavio **zastupničko pitanje** koje vam u prilogu dostavljamo.

Zastupnik je pitanje dostavio u pisanoj formi, te vam isto dostavljamo u prilogu s molbom da u skladu sa odredbama Poslovnika Skupštine Kantona Sarajevo („Službene novine Kantona Sarajevo“, broj:41/12-Dруги нови преčišćени текст, 15/13, 47/13, 47/15, 48/16, 9/20, 14/20, 16/22, 17/22-Ispravka i 47/24) odgovor, u pisanom obliku, uputite predsjedavajućem Skupštine Kantona Sarajevo kako bi isti dostavili zastupnicima u Skupštini.

Prilog: Zastupničko pitanje

Pripremila: Dženita Džebotić
Kontrolisala: Amela Smailagić-Čamdžić *ds.*

CO:

- sekretar SKS
- sekretar Vlade



**PREDSEDavajući
SKUPŠTINE KANTONA SARAJEVO**

Elvedin Okerić

Faruk Selmanović
Zastupnik u Skupštini Kantona Sarajevo

Kanton Sarajevo
Skupština Kantona Sarajevo
n/r predsjedavajući Skupštine Kantona Sarajevo

Uputiti: Ministarstvo za nauku, visoko obrazovanje i mlade Kantona Sarajevo i JU Studentski centar Sarajevo

PREDMET: ZASTUPNIČKA PITANJA

Poštovani,

Uzimajući u obzir značaj studentskog standarda i uslova boravka studenata smještenih u JU Studentskom centru Sarajevo, kao i brojne primjedbe koje se odnose na kvalitet smještaja, ishrane i općih uslova života u studentskim domovima, smatram neophodnim dobiti precizne informacije o aktivnostima nadležnih institucija u proteklom periodu.

Imajući u vidu navedeno, postavljam sljedeće zastupničko pitanje:

1. Koje su konkretne mjere i aktivnosti preduzete u periodu od novembra 2025. do marta 2026. godine s ciljem poboljšanja položaja studenata smještenih u JU Studentskom centru Sarajevo?
2. Da li su u navedenom periodu izvršena ulaganja u infrastrukturu, smještajne kapacitete, ishranu i druge usluge, te koliki su iznosi tih ulaganja?
3. Da li su provedene analize zadovoljstva studenata i identifikovani ključni problemi u funkcionisanju Studentskog centra, te koje su mjere poduzete po tom osnovu?
4. Da li postoji plan sistemskog unapređenja studentskog standarda u 2026. godini, te koji su prioriteti i rokovi za njihovu realizaciju?
5. Na koji način Ministarstvo vrši nadzor nad radom JU Studentski centar Sarajevo i osigurava kvalitet usluga koje se pružaju studentima?

S poštovanjem,

Faruk Selmanović
Zastupnik u Skupštini Kantona Sarajevo



Broj: 01-318-Od/26
Sarajevo, 20. 4. 2026. godine

KANTON SARAJEVO

22-04-2026

SKUPŠTINA KANTONA SARAJEVO
Ul. Reisa Džemaludina Čauševića broj 1, Sarajevo
n/r Elvedin Okerić, predsjedavajući Skupštine KS

Predmet: Odgovor na zastupničko pitanje, *dostavlja se*
Veza Vaš akt broj: 01-04-58637-83/25 od 25. 3. 2026. godine

Poštovani,

Dana 27. 3. 2026. godine, zaprimili smo Vaš akt pod naprijed navedenim brojem kojim se traži ogodove na zastupničko pitanje upućeno od strane zastupnika Faruka Selmanovića.

Prema zastupničkim pitanjima JU „Studentski centar“ Sarajevo dostavlja odgovor na sljedeće:

Pitanje broj 1. „*Koje su konkretne mjere i aktivnosti poduzete u periodu od novembra 2025. do marta 2026. godine s ciljem poboljšanja položaja studenata smještenih u JU Studentski centar Sarajevo?*“

JU „Studentski centar“ Sarajevo nalazi se u izuzetno teškoj finansijskoj situaciji, zbog čega nije u mogućnosti aktivno raditi na poboljšanju uslova u studentskim domovima. Trenutno održavanje objekata vrši se isključivo u skladu s raspoloživim zalihama materijala. Naime, izabrani dobavljač odbija dalju isporuku neophodnog materijala dok se ne izmiri postojeći dug.

U proteklom periodu, Federalno ministarstvo obrazovanja i nauke dodijelilo je Studentskom centru 60.000 KM namjenskih sredstava. Ova sredstva su, putem tenderske nabavke, utrošena za kupovinu novih podnih obloga i profesionalnih mašina za pranje veša.

Pitanje broj 2. „*Da li su u navedenom periodu izvršena ulaganja u infrastrukturu, smještajne kapacitete, ishranu i druge usluge, te koliki su iznosi tih ulaganja?*“

Zbog kritične finansijske situacije, JU „Studentski centar“ Sarajevo nije u mogućnosti investirati u infrastrukturu, smještajne kapacite, kvalitet ishrane niti druge usluge. Iako je Ministarstvo za nauku, visoko obrazovanje i mlade Kantona Sarajevo odgovorno za zakonitost rada ove ustanove, ono pokazuje nedostatak razumijevanja za dugogodišnje probleme koji se kontinuirano gomilaju.

Činjenica da resorno ministarstvo ne izmiruje dotaciju za bruto plate uposlenika u osnovnoj djelatnosti direktno uzrokuje stvaranje novih dugovanja prema dobavljačima i neredovnu isplatu ličnih dohodaka. Dug ministarstva samo iz 2025. godine po osnovu bruto plata iznosi **485.000 KM**. Ovakav finansijski deficit onemogućava bilo kakva ulaganja u poboljšanje smještajnih kapaciteta.

Što se tiče ishrane studenata, situacija je alarmantna: zbog nagomilanih dugovanja izabrani dobavljači obustavljaju isporuku robe, pa se obroci pripremaju isključivo od trenutno dostupnih namirnica.

Pitanje broj 3. „*Da li su provedene analize zadovoljstva studenata i identifikovani ključni problemi u funkcionisanju Studentskog centra te koje su mjere poduzete po tom osnovu?*“

Rukovodstvo JU „Studentski centar“ Sarajevo u stalnom je kontaktu s Udruženjem studenata Studentskog centra (USSC), kao legitimnim predstavnikom korisnika smještaja. Svjesni teške situacije u kojoj se ustanova nalazi, predstavnici Udruženja i rukovodstvo zajednički ulažu napore kako bi pronašli rješenja za tekuće probleme s kojima se studenti susreću.

Kada je riječ o ishrani, formirana je stalna komisija u čijem su sastavu predstavnici uposlenika i studenata. Zadatak ove komisije je razmatranje svih primjedbi te kontinuirani rad na unapređenju kvaliteta i procesa ishrane u skladu s trenutnim mogućnostima.

Pitanje broj 4. „*Da li postoji plan sistemskog unapređenja studentskog standarda u 2026. godini, te koji su prioriteti i rokovi za njihovu realizaciju?*“

Na nivou Federacije BiH trenutno je u toku izrada Zakona o studentskom standardu. JU „Studentski centar“ Sarajevo aktivno učestvuje u ovom procesu putem Zajednice studentskih centara FBiH. Pomenuti zakon će sistemski riješiti pitanje studentskog standarda na nivou cijele Federacije. To će, uz postojeće subvencije, uključivati i pravo na prevoz, biblioteku, sportske sadržaje, kao i ishranu za studente koji nisu smješteni u domovima. Realizacija ovih prioriteta i definisanje preciznih rokova u 2026. godini direktno zavise od dinamike usvajanja zakonskog okvira.

Pitanje broj 5. „*Na koji način Ministarstvo vrši nadzor nad radom JU Studentski centar Sarajevo i osigurava kvalitet usluga koje se pružaju studentima?*“

Osnivač Javne ustanove „Studentski centar“ Sarajevo je Skupština Kantona Sarajevo, dok je za zakonitost rada ustanove nadležno Ministarstvo za nauku, visoko obrazovanje i mlade KS. Prava i obaveze resornog ministarstva prema Centru precizno su definisane Pravilima JU „Studentski centar“ Sarajevo. Ustanova o rezultatima poslovanja izvještava Skupštinu KS, dok je za pitanja poput davanja saglasnosti na pravilnike, zapošljavanja, raspisivanja konkursa, pribavljanja mišljenja te imenovanja članova konkursnih komisija dužna kontaktirati resorno ministarstvo. Također, Vlada KS daje saglasnost na cjenovnik usluga i odluku o izboru direktora, te imenuje predsjednike i članove Upravnog i Nadzornog odbora.

Kao što je ranije istaknuto, Ministarstvo ne ispunjava svoje obaveze u pogledu uplate dotacija za bruto plate radnika u osnovnoj djelatnosti, zbog čega je nerealno očekivati njihovo učešće u poboljšanju kvaliteta usluga za studente. Situacija je posebno kritična u 2026. godini, u kojoj resorno ministarstvo do sada nije uplatilo niti jednu tranšu za bruto plate uposlenika u osnovnoj djelatnosti.

S poštovanjem,

Dostaviti:

- Naslovu,
- Savjetnik u Kabinetu direktora,
- a/a.



v.d. DIREKTOR-a

Ingrid Kadrić